

# Semak harga selepas diskau

**KPDNHEP semak kesahihan harga diskau barang sekolah untuk lindungi pengguna**

MOHD RIDZUAN ABU HASSAN

KUALA LUMPUR

**K**esahihan harga baharu selepas potongan diskau adalah antara yang diberi perhatian penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) ketika melakukan pemeriksaan di premis menjual barang sekolah di seluruh Malaysia.

Pemeriksaan sempena program Kembali Ke Sekolah itu dijalankan sejak 18 Disember lalu secara berterusan sehingga 3 Januari 2020.

Pengarah Bahagian Penguat kuasa KPDNHEP, Datuk Iskandar Halim Sulaiman berkata, inisiatif tersebut bagi melindungi hak pengguna terutama ibu bapa agar tidak menjadi mangsa penipuan.

Menurutnya, ia juga bagi memastikan peniaga tidak mengambil kesempatan menaikkan harga berikutan kesibukan ibu bapa membuat persiapan menjelang sesi persekolahan tidak lama lagi.

“Sepanjang tempoh lima hari pemeriksaan sehingga hari ini (semalam), sebanyak 881 barang sekolah di 110 premis diperiksa dengan sebanyak 98 notis dikeluarkan di bawah Seksyen 21



Iskandar Halim memeriksa beg sekolah yang dijual di pusat beli-belah Sogo, Kuala Lumpur semalam sempena program Kembali Ke Sekolah yang dijalankan sejak 18 Disember lalu sehingga 3 Januari 2020.

Akta Kawalan Harga dan Anti Pencatutan 2011.

“Notis dikeluarkan selepas penguat kuasa mendapati ada

keraguan pada harga termasuk selepas potongan diskau, selain bagi mengenal pasti ketulenan jenama barang.

“Premis berkenaan perlu memberikan penjelasan terperinci dalam tempoh lima hari selepas tarikh notis dikeluarkan dan kita akan ambil tindakan jika ada kenaikan harga yang tidak munasabah,” katanya kepada media selepas pemeriksaan barang sekolah di pusat beli-belah Sogo di sini semalam.

Iskandar Halim berkata, peningkatan harga barang sekolah tidak sepatutnya berlaku jika barang tersebut adalah stok lama dari tahun lalu tetapi dijual semula pada tahun ini.

Menurutnya, setakat ini pihak KPDNHEP tidak menerima sebarang aduan orang ramai mengenai kenaikan harga barang sekolah.

“Hasil pemeriksaan di seluruh negara mendapat harga barang sekolah masih terkawal,” katanya.

HARI	TARikh	W/SURAT	SELASA
..	24/12/2019	4	

## KPDNHEP semak harga diskauan barang sekolah

MOHD RIDZUAN ABU HASSAN | 23 Disember 2019



Iskandar Halim memeriksa beg sekolah yang dijual di Sogo, Kuala Lumpur hari ini sempena program Kembali Ke Sekolah yang dijalankan sejak 18 Disember lalu secara berterusan sehingga 3 Januari 2020. - Foto: Sharifudin Abdul Rahim

AA

**KUALA LUMPUR** - Kesahihan harga baharu selepas potongan diskauan adalah antara yang diberi perhatian penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) ketika melakukan pemeriksaan di premis menjual barang sekolah di seluruh Malaysia.

Pemeriksaan sempena program Kembali Ke Sekolah itu dijalankan sejak 18 Disember lalu secara berterusan sehingga 3 Januari 2020.

Pengarah Bahagian Penguatkuasa KPDNHEP, Datuk Iskandar Sulaiman berkata, inisiatif tersebut bagi melindungi hak pengguna terutama ibu bapa agar tidak menjadi mangsa penipuan.

Menurutnya, ia juga bagi memastikan peniaga tidak mengambil kesempatan menaikkan harga berikutan kesibukan ibu bapa membuat persiapan menjelang sesi persekolahan tidak lama lagi.

"Sepanjang tempoh lima hari pemeriksaan sehingga hari ini (semalam), sebanyak 881 barang sekolah di 110 premis diperiksa dengan sebanyak 98 notis dikeluarkan di bawah Seksyen 21 Akta Kawalan Harga dan Anti Pencatutan 2011.

"Notis dikeluarkan selepas penguat kuasa mendapati ada keraguan pada harga termasuk selepas potongan diskaun, selain bagi mengenal pasti ketulenan jenama barang.

"Premis berkenaan perlu memberikan penjelasan terperinci dalam tempoh lima hari selepas tarikh notis dikeluarkan dan kita akan ambil tindakan jika ada kenaikan harga yang tidak munasabah," katanya kepada media selepas pemeriksaan barang sekolah di pusat beli-belah Sogo di sini hari ini.

Iskandar Halim berkata, peningkatan harga barang sekolah tidak sepatutnya berlaku jika barang tersebut adalah stok lama dari tahun lalu tetapi dijual semula pada tahun ini.

Menurutnya, setakat ini pihak KPDNHEP tidak menerima sebarang aduan orang ramai mengenai kenaikan harga barang sekolah.

"Hasil pemeriksaan di seluruh negara mendapati harga barang sekolah masih terkawal," katanya.

**Artikel Penuh : <https://www.sinarharian.com.my/article/63112/BERITA/Nasional/KPDNHEP-semak-harga-diskaun-barangan-sekolah>© 2018 Hakcipta Terpelihara Kumpulan Karangkraf**